



12

9217

Broj: 06-11-1678/3-22 veza Ž
Ilidža, 09.05.2022. godine

Na osnovu člana 100. stav (3) Zakona o javnim nabavkama BiH ("Službeni glasnik BiH" broj: 39/14), rješavajući po žalbi ponuđača OD PUTNA LABORATORIJA 1957 Sarajevo, izjavljenu na Odluku o izboru najpovoljnijeg ponuđača broj 06-11-1678/22-4 od 25.04.2022.g. za javnu nabavku broj 45/22, "Laboratorijska ispitivanja u sklopu vršenja radova na realizaciji projekata", općinski načelnik donosi:

ODLUKU

I

USVAJA SE žalba izjavljena od strane ponuđača OD PUTNA LABORATORIJA 1957 Sarajevo, broj 81/22 od 28.04.2022.g. na Odluku o izboru najpovoljnijeg ponuđača broj 06-11-1678/22-4 od 25.04.2022.g. za javnu nabavku broj 45/22, "Laboratorijska ispitivanja u sklopu vršenja radova na realizaciji projekata" **kao osnovana.**

II

Stavlja se van snage Odluka o izboru najpovoljnijeg ponuđača broj 06-11-1678/22-4 od 25.04.2022.g.

III

Ponuda ponuđača OD PUTNA LABORATORIJA 1957 Sarajevo, vl. Selma Kršlak u iznosu od 29.970,00 bez PDV-a **proglašava se najpovoljnijom** za JN 45/22 "Laboratorijska ispitivanja u sklopu vršenja radova na realizaciji projekata".

IV

Izabrani ponuđač iz tačke III ove Odluke, obavezan je u roku od 5 (pet) dana od dana prijema ove Odluke, Ugovornom organu dostaviti uvjerenja iz člana 45. stav 2 tačka a), b), c) i d) Zakona o javnim nabavkama.

V

Agencija za javne nabavke će poništiti e-aukciju u skladu sa Pravilnikom o uvjetima i načinu korištenja e-aukcije ("Službeni glasnik BiH", broj 66/16).

Obrazloženje

Ugovorni organ je odlukom broj: 06-11-1678/22-1 od 30.03.2022. godine pokrenuo postupak javne nabavke putem konkurentskog zahtjeva za "Laboratorijska ispitivanja u sklopu vršenja radova na realizaciji projekata", broj obavještenja sa Portala javnih nabavki: 888-7-2-112-3-61/22 od 05.04.2022.g. Procijenjena vrijednost nabavke iznosi: 30.000,00 KM. Komisija za javne nabavke je nakon pregleda i analize ponuda utvrdila da su ponude ponuđača



DTQ d.o.o. Sarajevo i OD PUTNA LABORATORIJA 1957 Sarajevo prihvatljive, a ponuda ponuđača SAC TESTING& CONSULTING d.o.o. neprihvatljiva.

Nakon provedene e-aukcije i utvrđene rang liste:

1. DTQ d.o.o. čija cijena ponude bez PDV-a iznosi 8.889,00
2. OD OD PUTNA LABORATORIJA 1957, čija cijena ponude bez PDV-a iznosi 9.000,00 KM,

Komisija za javne nabavke je dala preporuku ugovornom organu za donošenje Odluke o izboru najpovoljnijeg ponuđača DTQ d.o.o. Sarajevo u predmetnom postupku javne nabavke, te je ugovorni organ, dana 25.04.2022.g., donio Odluku o izboru najpovoljnijeg ponuđača za javnu nabavku 45/22, broj 06-11-1678/22-4.

Ponuđač OD PUTNA LABORATORIJA 1957 Sarajevo je, nakon uvida u ponudu ponuđača DTQ d.o.o., uložio žalbu broj 81/22 na Odluku o izboru najpovoljnijeg ponuđača broj 06-11-1678/22-4 od 25.04.2022.g., koja je kod ovog organa zaprimljena 04.05.2022.g. i protokolirana pod brojem 06-11-1678/3-22 veza.

Postupajući po predmetnoj žalbi, u skladu sa članom 100. Zakona o javnim nabavkama ugovorni organ je utvrdio da je žalba balgovremena, dopuštena i izjavljena od ovlaštenog lica.

Žalilac navodi da ponuđač DTQ d.o.o. nije ispunio uslov postavljen u tački 2.4. tenderske dokumentacije koji glasi:

"Što se tiče tehničke i profesionalne sposobnosti, dobavljači trebaju ispuniti slijedeće uslove:

- a) *Uspješno iskustvo u realizaciji tri ugovora, u posljednje tri godine čiji je karakter i kompleksnost isti onima koji se odnose na predmet javne nabavke, čiji je zbirni iznos minimalno 30.000,00 KM bez PDV-a.*

odnosno nije dostavio dokaz kako je definisan tačkom 2.4.1. tenderske dokumentacije:

*"Kao dokaz o ispunjavanju uslova iz tačke 2.4 a) kandidat/ponuđač treba dostaviti spisak izvršenih ugovora, sa potvrdama **izdatim od strane druge ugovorne strane** o uspješno pruženim uslugama; Potvrda o uredno izvršenim ugovorima mora sadržavati sljedeće podatke: naziv i sjedište ugovornih strana ili privrednih subjekata; predmet ugovora; vrijednost ugovora; vrijeme i mjesto izvršenja ugovora; navode o uredno izvršenim ugovorima. Kao dokaz o ispunjavanju uslova iz tačke 2.4 b) ponuđač treba dostaviti izjavu da će za realizaciju ugovora imati na raspolaganju tražena lica kao i diplomu, uvjerenje o položenom stručnom ispitu i potvrdu o radnom iskustvu za lica koja navede u izjavi."*

Žalilac smatra da dostavljeni Izvod iz referens liste ne može biti zamjena za Spisak izvršenih ugovora.

Navod žalioaca je **neosnovan**. Naime, ugovorni organ je cijenio sadržaj akta - "Kratak Izvod iz referens liste" koji je dostavio ponuđač DTQ d.o.o. S obzirom da su na istom navedeni podaci o izvršenim ugovorima (ostvarena je svrha traženog dokumenta), ugovorni organ je isti prihvatio.

Žalilac dalje u okviru gore navedene tačke Tenderske dokumentacije navodi da ponuđač DTQ d.o.o. nije dostavio validne Potvrde o uredno izvršenim ugovorima u posljednje tri godine, uslov koji je definisan tačkom 2.4. Tenderske dokumentacije. Žalilac ističe kako je samo jedna



potvrda navedenog ponuđača validna (strana 31 ponude) dok ostale dvije potvrde nisu jer je na istim navedeno vrijeme realizacije ugovora u periodu starijem od tri godine.

Ponovnom analizom ponude DTQ d.o.o., utvrđeno je da je navod Žalioca **osnovan** jer u Potvrdi broj 598/2019 od 20.05.2019.g. izdata od SAC TESTING & CONSULTING d.o.o. Sarajevo stoji "Potvrđujemo da je DTQ d.o.o. Sarajevo, po Ugovoru br. 235/15 od 22.09.2015. godine.... uspješno izvršio usluge Externe kontrole....", a u Potvrdi broj 03-36-2-527-18-1/18 od 08.02.2019.g. izdata od strane Federalnog ministarstva raseljenih osoba i izbjeglica navedeno je da je realizacija pojedinačnih ugovora izvršena u 2018. godini.

Iz navedenih potvrda se može zaključiti da ugovori nisu realizovani u posljednje tri godine kako je zahtijevano Tenderskom dokumentacijom.

U skladu sa gore navedenim uvažena je žalba Žalioca OD PUTNA LABORATORIJA 1957 Sarajevo u dijelu koji se odnosi na valjanost navedenih Potvrda ponuđača DTQ d.o.o., te je utvrđeno da je ponuda ponuđača DTQ d.o.o. nepotpuna, ne ispunjava zahtjev iz Tenderske dokumentacije i ista se u skladu sa članom 68. stav (4) tačka i) odbacuje.

U žalbenom postupku je utvrđeno da je jedna ponuda, i to ponuda ponuđača OD PUTNA LABORATORIJA 1957 Sarajevo prihvatljiva, zbog čega se, prema članu 3. stav (3) Pravilnika o uslovima i načinu korištenja e-aukcije ("Službeni glasnik BiH", broj 66/16) ne može zakazati nova e-aukcija, te se postupak okončava u skladu sa članom 69. Zakona o javnim nabavkama. U predmetnom postupku javne nabavke ugovor se dodjeljuje na vrijednost iz pisane ponude navedenog ponuđača koja iznosi 29.970,00 KM.

Imajući u vidu sve naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke ponuđač ima pravo izjaviti žalbu u roku od pet dana od dana prijema iste. Žalba se ulaže ugovornom organu u pisanoj formi direktno, ili preporučenom poštanskom pošiljkom.



OPĆINSKI NAČELNIK

Nermin Muzur, magistar uprave

DOSTAVLJENO:

1. OD PUTNA LABORATORIJA 1957 Sarajevo
ul. Maršala Tita 30/1, Sarajevo
2. DTQ d.o.o., ul. Stjepana Tomića br.3, Sarajevo
3. SAC TESTING & CONSULTING d.o.o.
Rajlovac bb, Sarajevo
4. Agencija za javne nabavke BiH
ul. Maršala Tita 9a
5. Stručna služba- Kabinet Općinskog načelnika
6. Stručna služba za zajedničke poslove (za objavu na WEB)
7. a/a

